



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

V. Sitne in Diuinis Personarum Aequalitas?

**urn:nbn:de:hbz:466:1-35233**

## QVÆSTIO IV.

An Tritheismus sit Lutherocaluini-  
starum?

## VIII. ANTICHRISTIANISMVS.

**L**UTHERVS lib. contra Latomum 10. 2. *Ani-  
ma mea odit quosdam.* Melanch. Tres sunt Diui-  
nitates, vt tres persona. &c.

CALVINVS in Actis Serneti. *Filius habet sub-  
stantiam à Patre distinctam.* &c. Vide meum Lu-  
thero-cal. q. 11.

**CHRISTVS.** At Ioan. 5. *ALIVS*  
est, qui testimonium perhibet de Me. Et  
Ioan. 14. *ALIVM* Paraclerum dabit vobis.  
At de vna eademque persona non di-  
citur *Alius*. Notat ita S. Fulgentius l. de  
obiectionibus Arianorum; Patrem, Fili-  
um, Sp. Sanctum dici *Alium*, non *Aliud*.  
Siquidem *Aliud* distinctionem in Es-  
sentia; *Alius*, distinctionem in Persona  
significat. Vnde ait Ioan. 10. *Ego & Pa-  
ter Vnum sumus*; non *Vnus*, aut *Aliud*.

2. Mar. vlt. *Baptizate omnes in nomine  
Patris & Filij & Sp. Sancti.* particula, ET,  
distinctionem personalem ac realem  
denotat.

3. Ita Eph. 2. *Per ipsum habemus accessum  
ad Patrem in vno Spiritu.* Quod distin-  
ctionem Personæ, non Essentiæ docet.  
Nam de Vnitate Essentiæ supra sat vi-  
dimus.

4. Ioan. 5. *Sicut Pater habet vitam  
in semetipso: sic dedit & Filio vitam habere  
in semetipso.* Non quomodo alia anima-  
ta creata vitam habent: sed quomodo  
Pater ipse habet. Vnde dicitur, Col. 1.  
*Primogenitus Dei & imago eius.* Quod in-  
telligi de Diuina æternaque generatio-

ne. patet ibidem isto: *In ipso, & per ipsum  
condita sūt vniversa.* Manet igitur, quod  
in Deo sit Vnita Distinctio, & Distincta  
Vnitas: non trium Vnitas; sed Vnius  
Trinitas. Plura vide in meo *Luthero-  
calu. p. 1. q. 8. & 10.*

## QVÆSTIO V.

Sitne in Diuinis Personarum Ae-  
qualitas?

## IX. ANTICHRISTIANISMVS.

**L**UTHERI. *Anima mea odit quosdam.* Idem in  
Gen. 1. *Verbum est Instrumentum Patris in ope-  
rando.* &c.

CALVINI. *Filius etiam in diuina Natura, offi-  
cij ratione, Patre minor est.* Sic vtrobique cæteri.  
Vide in meo *Luthero-caluinista quest. 9. & 12.*

**CHRISTVS. I.** At Angelus ad  
Zachariam de Ioan. Baptista, Luc. 1.  
*Multos filiorum Israel conuertet ad Dominum  
Deum ipsorum, id est, ad Christum: & ipse  
præcedet ante illum,* Deum Israel Chri-  
stum, *in spiritu & virtute Helie.* Atqui  
communis est regula Transylvanis,  
Seruetianis, Gentilistis, & Luthero-cal-  
uinistis; *Deum Israel, esse Verum Deum;*  
sed & addunt, *solum Patrem intelligi vsque  
Deus.* Hoc falsum; illud verum est. Pa-  
tet hoc loci. Nam quod Angelus hic  
Christum quoque *Deum Israel* appelleret,  
attestantur interpretes S. Patres, *Irene-  
us, l. 3. c. 11. Ambr. Euthymius, Beda. &c. in  
Luc. 1.* Ratio. Quia constat Ioannem  
præcessisse ante *illum*, prædictum sc.  
*Deum Israel:* at ante Christum præces-  
sit: Christus igitur est Deus verus Isra-  
el, sicut & Pater, nõ minor. Quia quic-  
quid est Deus, est vnice summus: & quic-  
quid est non vnice summum, est quo-  
que



que Non Deus: sed minus Deo. Atqui Christus est Deus; ergo vnice summus, & vnus cum Patre Deus æqualis Patri.

II. Petrus ait, Mat. 16. *Tu es Christus Filius Dei viui.* At proprium est viuentibus gignere sibi simile in Natura. Ideo Christus dicitur, Ioan. 3. *Filius Vnigenitus.* Rom. 8. *Proprius.* 1. Ioan. 5. *Verus.* Col. 1. & Heb. 1. *Naturalis*, vt imago naturalis paternæ hypostasios: respectu cuius *Angeli* dicuntur *Serui*; cum tamen sint Adoptiui filij Dei. Et à Iudæis est hoc nomine accusatus, ac morti adiudicatus, *Quia Filium Dei se fecit*: vtique naturalem, non metaphoricum, vel adoptiuum. Nam & ipsi dicebant: Ioan. 8. *Nos vnun patrem habemus Deum.* Neque Christus illam diluit accusationem.

III. Ioan. 5. *Quærebant eum Iudæi interficere; quia non solum soluebat Sabbatum; sed etiam Patrem suum dicebat Deum, AEQUALI SE FACIENS DEO.* Quippe vt Deus verus de Deo vero: *genitus, non factus.* Itahic Patres Chryl. Cyril. Augustinus. &c.

IV. Docet Paulus, qui ex Reuelatione IESU CHRISTI didicit Euangelium, Rom. 9. *Ex quibus Christus est, secundum carnem: Qui est super omnia DEVS benedictus in secula, id est, aiunt S. Patres hic vnanimiter, Summus Deus. Ergo æqualis Patri secundum Diuinitatem; minor Patre, secundum Humanitatem, infert rectè symb. Athanasij.*

Erasinus Rotero. conatur locum infringere, dicens:

1. Vocem, *Deus*, forte non esse de textu.
2. Aut vocem *Deus* referri ad Patrem solum.

At vtrumque refragantibus SS. Patribus: Cypr. Hilar. Chry. Iren. Tertulian, &c.

V. Iterum Paulus, Phil. 2. *Qui, cum informa Dei esset, non rapinam arbitratus esse se AEQUALI DEO.* In forma Dei, id est, substantia Dei, quæ ibidem opponitur *forma serui*, id est, naturæ humanæ. Sic S. Patres apud Bellar. l. 1. de Christo. c. 6. contra Erasimum & Transylvanos. Vide meam *Geneal. q. 5.*

## QVÆSTIO VI.

*An Deus cum Essentia communicarit Christo omnipotentiam & Iustitiam & Immortal.*

### I. X. ANTICHRISTIANISMVS.

LUTHERVS in Conc. Nat. Dom. *Vnus Christus, esse Deum Omnipotentem; alter, Homo non omnipotens.* Id est, ait Brentius lib. recognitionis suæ pag. 131. *Communicatione Proprietatum Filij hominis ab inhabitante Dei Filio ornatur.*

CALVINVS lib. contra Gentilem, Pater Filio nec in parte, nec in solido communicauit essentiam. &c. Vide *Luthero-cal. q. 13.*

Sed ordine distincto colligamus & omnia redigamus ad tria.

1. Sabellius sub annum 216. finxit: *Deus vna est persona; Trinitas nulla: diuersa autem nomina sunt, excogitata ad diuersos significandos Dei effectus.*

CALVINVS ait. *Pater nec ex solido nec ex parte suam communicauit Essentiam: solum, Instit. L. I. c. 13. § 5. Proprietate quadam distincti sunt.*

2. Acius finxit: *Christus minor Patre est; prima ab eo creatura productus.* LUTHERO-CALVINISTÆ similes supra.

3. Nestorius; *Maria solum hominem peperit; cui deum accessit Dei Filius inhabitator per gratiam.* Sic & Luth. & Brentius. &c.

CHRISTVS. At verò, Ioan. 7. *Ego ex Deo processi.* Inde Pater mihi ait: *Plas. 2. Filius meus es tu, Ego hodie genui te. Et Dauid vocat eum Dominum: Dixit Dominus Domino meo. &c.* Cætera repete supra ex quæst. 3. 4. 5.

### XI. ANTICHRISTIANISMVS.

CAL-